

AENGONUN ANEPWUNGUN MUN CHUUK

ARUWEN REGULAR SESSION,
ARUWEN SPECIAL SESSION, DECEMBER, 2010

NOMOPUNG NO: 10-38

EW NOMOPUNG

A akesiwini tetten 3, 8, 10, 11, 16 me 17 me non CSL No. 10-10-18, me pwan ren ekkoch popun.

Epwe pwung meren ewe Anepwungun Mun Chuuk:

1 Tetten 1. Akesiwin. Tetten 3, me non CSL No. 10-10-18, iei a akesiwin an
2 epwene iei usun:

3 "Tetten 3. Pichokunen angei fonu me enletin momon ewe fonu. Me
4 mwirin katonongen non kapung an Mun epwe eaea ew fonu fengen mwirin an
5 fatono io we wesetan soufonu, me isoisenon unusen momon ewe fonu non nenien
6 isois fan tan niwinin ewe fonu, ewe fonu Mun epwe ne angei fan itan met sakkun
7 angang ika project epwe affat me non ewe taropwe epwe katonong non kapung.
8 Ei pichokunen angei fonu a nom ren ewe Mun Chuuk State. Nge ewe pwung fan
9 iten enletin pwungun niwinin ewe fonu a nonnom ren ewe soufonu."

10 Tetten 2. Akesiwin. Tetten 8 me non CSL No. 10-10-18 iei a akesiwin an epwene
11 iei usun:

12 "Tetten 8. Kefinitan niwinin ewe fonu. Ika pwe ekkewe pekin rese tipeew
13 fengen won ew aukukun niwin, kopwungunon ew enletin pwungun niwinin ewe
14 fonu epwe kefinita me ren kapung ewe esap watte seni 10% met enletin pwungun
15 niwinin ewe fonu anongonong won kunaen mei sinenap ren aukukun niwinin
16 fonu, ewe mei affat me non annuk. Non an epwe finata ewe enletin pwungun
17 niwinin ewe fonu, kapung epwe eaea ekkei anongonong ren an epwe finata:

- 18 (a) Ika pwe an ewe soufonu ese mochen fangeta fonuan we fan itan ew
19 fonu ika neni mei auchea ngeni uruon fonu ika orreni;
20 (b) Ika pwe ewe soufonu ese pwan wor ew fonuan pwe iwe chok;
21 (c) Me ekkoch popun epwe katou pwungun meren kapung."

22 Tetten 3. Akesiwin. Tetten 10 me non CSL No. 10-10-18 iei a ekesiwin an
23 epwene iei usun:

1 “Tetten 10. Fansoun an Kapung angang. Ewe Chuuk State Supreme Court
 2 epwe angang won ei sakkun case fiti pwungun ei annuk an epwe awesi an angang on ei
 3 sakkun kapung esap mang seni 120 ran me mwirin an katonong non kapung. Ika pwe ewe
 4 Chuuk State Supreme Court ese tongeni awesi an angang non ewe ukukun 120 ran won ei
 5 sakkun case, ewe plaintiff ika Chuuk State Government epwene chok win.

6 Tetten 4. Akesiwin. Tetten 11 me non CSL No. 10-10-18 iei a akesiwin an
 7 epwene iei usun:

8 “Tetten 11. Aukukun pichokunen pwungun kapung seni ewe Chuuk State
 9 Supreme Court. Tiwenon chok ika pwe mei affat me non ei tetten, angangen
 10 kapung won ei sakkun case epwe afetan fiti pwungun ewe Rules of Civil
 11 Procedure an ewe Chuuk State Supreme Court non an ewe Mun State epwe angei
 12 fonuen aramas fiti pwungun ewe pochokunen Muni tan eminent domain, tiwenon
 13 chok ika pwe mei fen affat me non ei annuk:

- 14 a) Ewe soufonu epwe awora an katonong ngeni kapung non ew aukukun
 15 fansoun esap tongeni an epwe sopesopono seni 15 ran; me
 16 b) Aponuen motion epwe kawor esap watte seni 7 ran.”

17 Section 5. Akesiwin. Tetten 16 me non CSL No. 10-10-18 iei a akesiwin an
 18 epwene iei usun:

19 “Tetten 16. Esinesin ngeni ewe Defendant; Awora ngeni Kapung,

- 20 (1) Fansoun chok a katonong ew complaint, ewe pekin Mun epwe chok
 21 mwitir atoura ngeni ewe soumakken kapung fengen me ekkoch
 22 esinesin fengen me copy-in meinis taropwe ngeni ewe defendant ika
 23 soufonu usun mei affat me itan me non ewe complaint. Fengen me
 24 meinis sopesopun taropwen kapung epwe kawor mwirin epwe pwal
 25 mwitir kawor ngeni ewe defendant ika soufonu.
 26 (2) Katouran ekkei taropwen esinesinen kapung epwe chok usun mwitirin
 27 katouran ekkewe taropwen kapung iter service me summons, usun a
 28 affat me non ewe Chuuk State Supreme Court Rules.
 29 (3) Echo me echo kei taropwen esinesinen kapung epwe affata non meni
 30 wwe kapung a katonong, itenapen ewe angang kapung ika case, iten
 31 ewe soufonu a kawor ekkei taropwen esinesinen kapung ngeni fengen


1 me an epwe pwan affata pwe ei kapung fan iten kapungun fonu mine
 2 ewe Mun Chuuk a ekiendien angei an epwe eaea, fengen me auchean
 3 porousan napanapen ewe fonu an epwe fatafat och ngeni ewe soufonu,
 4 auchean popun Mun epwe eaea ewe fonu, fengen me ewe soufonu ika
 5 noun souannuk epwe awora ponuen ekkei ngeni ewe Attorney General
 6 ewe epwe awora ponuan esap mang seni 15 ran me mwirin an a tori
 7 ponuan ekkei taropwe, fengen me ika ese kawor ponuen ekkewe
 8 taropwen kapung seni ewe soufonu non ei aukukun fansoun, epwene
 9 tongeni fat pwe ewe soufonu mei tipeew ngeni an Mun epwe eaea
 10 fonuwan we ren an kapung epwene poputani an angang ne finata
 11 ukukun niwinin ewe fonu an Mun epwene angei.”

12 Section 6. Akesiwin. Tetten 17 me non CSL No. 10-10-18 iei a akesiwin an
 13 epwene iei usun:


14 “Tetten 17. Wisán ewe Land Commission. Ika pwe ese wor amwet ngeni
 15 kapungun amwet, fansoun chok a wor esinesin pwe Mun a angei och fonu fiti
 16 pwungun ei annuk fengen me mommon ewe fonu a fen kawor fiti pwungun ei
 17 annuk ika fansoun a fen katonong complaint me katou porousan an Mun epwe
 18 eaea ewe fonu me enletin niwin fan itan ewe fonu a kawr, ewe Land Commission
 19 esap kukun seni 5 ran mwirin an tori ekkei taropwe, epwene atou certificate fan
 20 itan ewe fonu ngeni ewe Mun Chuuk State. Nge fansoun chok ewe Mun Chuuk
 21 ese chuen wor auchean an epwe eaea ewe fonu, epwene aniwin ngeni ewe
 22 soufonu ika mwirimwirin ewe soufonu esap mang seni 190 me mwirin fiti
 23 pwungun Tetten 2 me non Article XI me non noun Chuuk State we Constitution.
 24 Ewe Governor epwe foumanei pwe ewe Mun Chuuk State ese chuen wor an
 25 mochen eaea ewe fonu fan itan angangen Mun, fengen me keniwinin fonuen Mun
 26 mine ewe Mun ese fonueni me nukun pichokunan ei annukun eminent domain
 27 ewe Legislature epwe akkom tipeew ngeni me mwen an epwe tongeni eniwin
 28 ngeni ewe wesetan soufonu.”

29 Tetten 7. Poputan Pochokutan. Ei nomwopwung epwe poputa manamanan
 30 fansoun a kapunguno meren ewe Governor, ika fansoun chok a pwisin winiti annuk won
 31 winikapan.

Sain seni:



Mark Mallo, President
Utten Senate
Chuuk State Legislature

Annetata:



Songkenita Bossy, Chief Clerk
Utten Senate
Aneepwungun Chuuk

Pwinin Maram: 12-13-10

Sain seni:



Singkoro Harper, Speaker
Utten Representatives
Aneepwungun Chuuk

Annetata:


Herter Sorim, Chief Clerk
Utten Representatives
Aneepwungun Chuuk

Pwinin Maram: 12/13/10

Kopwunguno seni:


Wesley W. Simina, Kepina
Miwun Chuuk

Pwinin maram: Dec 22, 2010

Uruwon : S.B.NO: 10-68;SD1;HD1
: S.S.C.R.NO: 10-2R-SR-02
: H.S.C.R.NO: Ese Wor